

Lorenz Bodock

**Rector Universitatis Rostochiensis Laurentius Bodock, Ph. I.U.D. ... Ad Exequias Quas ... Foeminae Margaritae Hagemesters/ ... Viri Dn. Hinrici Heinii, Ampliss. Facultat. Iuridicae olim Secretarii praeclare meritiss. Relictae Viduae Hodie Ad Horam Primam Moestißimi liberi & consaguinei, decentißime paratas cupiunt. Omnes Universitatis huius Cives ... invitat**

Rostochii: Kilius, 1661

<http://purl.uni-rostock.de/rosdok/ppn777514796>


Druck Freier  Zugang



B o d o c k, L.,  
in M. H a g e m e i s t e r,  
u x o r. H. H e i n e.

R. 1661.

87.







Dum

RECTOR  
UNIVERSITATIS ROSTOCHIENSIS  
LAURENTIUS BODOCK,

Ph. J. U. D. Orator Academ. Facult. Phi-  
los. Senior. ac p. t. Decanus. Consiliarius  
Mecklenburgicus



AD EXEQUIAS

Quas

*Clarissimæ atq; Honestissimæ Fœminæ*  
MARGARITÆ

Hagemeysters/

*Clarissimi & Consultissimi VIRI*

DN. HINRICI HEINII

Amplis. Facultat. Juridicæ olim Se-  
cretarii præclarè meritis.

RELICTÆ VIDUÆ

HODIE AD HORAM PRIMAM

*Mœstissimi liberi & consanguinei, decentissime  
paratas cupiunt.*

Omnes Universitatis hujus Cives, ac  
omnes literarum cultores & favitores, offi-  
ciosè seduloq; invitat.

ROSTOCHII,

Typis JOHANNIS KILII, Acad. Typ. ANNO CHRISTI M. DC. LXI.

RECTOR UNIVERSITATIS ROSTOCHIENSIS.  
LAURENTIUS BODOCK, Ph. U. J. D.

ACADEMIÆ CIVIBUS AC FAVORIBUS

S. P.



**S**idem videretur nobis, quod *Thucydiden*, summum profectò gravissimumque scriptorem, de virtutemulierum statuisset legimus, minimè opus erat hâc scriptione, quam nunc præstantissimæ Fœminæ *MARGARITÆ HAGMEISTERIÆ*, ejusque ultimo honori impendimus; sed consultius longè foret, si penitus eâ ipsâ supersederemus. Enim verò, quemadmodum cæteroquin (referente in præfatione suâ Nepote Cornelio) in Græciâ obtinebat, uti matres familias in parte interiore ædium, quæ Gyneconitis dicebatur, conclusæ tenerentur, nullique, eò alii, nisi propinquâ cognatione conjuncti accedere audent. Ita & bonæ mulieris famam, sic, quasi corpus, includendam domi, nequè efferendam in publicum esse, quem jam jam laudabamus, princeps existimabat *Historicus*; *luculentissimam*, potissimamque laudem ei tribuens *Fæminæ*, quæ nec ob malefactum, nec ob egregium facinus, virtutesque insignes, sermone publico celebraretur. Quantò rectius humaniusque *Gorgias Leontinus*, ille *sophistarum nobilis*, sensisse credendus est? qui mulieris non quidem formam, sed nomen ac decus, nota quam maximè esse volebat, neque contineri in angulò exempla egregia, sed egredi limen, & famam sequi debere, quò innotescerent pluribus, quæ omnes decerent. Cumque adeò mulierum sæpe numerò virtus non minor, quam virorum sit, nec minus magnitudo animi in *Timocleâ*, aut *Porciâ*, quàm in *Pelopidâ*  
aut

aut *Bruto* spectetur; quæ afferri causa possit, cur non eandem etiam gloriam consequantur, earumq; exempla eximia, non secus, ac virorum, publicis laudibus efferantur? Romani certè, cum alia multa, tum hoc præprimis prudenter ac graviter ordinaverunt, uti funera non tantum virorum, sed & mulierum, publicè, pro rostris laudarentur: quò quidem honore *Popiliam*, *Catuli* matrem, primò omnium affectam fuisse, abs maximo Tullio, de Oratore, proditum fuit. Ac *MARGARITÆ* quidem, quæ tumulanda hodiè componendaq; est, eò promptius ac cumulatus id officii ac benevolentia genus præstandum videbatur, quòd in tantum laudata ipsa Fœmina fuerit, in quantum in Sequiori isto sexu, virtus, probitas, ac excellentissima ab omni parte indoles exeri, aut intelligi unquam possunt. Ad quæ, plura etiam alia accedebant, quæ nihil usitatum in eâ, aut vulgare saperent, sed sicutum ferè naturæ ordinem cursumq; transilirent; neq; quicquam in mulierum ullâ magni fieri ab aliquò, amariq; possit sapienter, quòd non omnè possedisse illa, atque abundantissimè tenuisse crederetur. Quòd si jejuna laudatio vituperio propior, & verò Tantus sublimium rerum modus in eâ enituit, quas in præsentem de prædicare ex meritò, nemo temerè sustineat, tacendum profectò de illis potius, quàm paucis dicendum esse videbatur. Sed quia tamè instituto veteri ac consuetudini parendum, ac satis faciendum est, calculorum secuti morem, qui summas ingentes æris, bravi-oribus exprimunt; rarissimæ, & in ornamentum seculi natæ Fœminæ vitam, signabimus potius, quàm eloquemur, ut non tam legere ejus acta aliquis, quàm numerare videatur. Et quidem observatò naturæ ordine, à cunabulis & stirpe ejus, exordiemur hanc telam, in morte & obitu eandem deposituri. Nata itaque est Rostochi, Mecklenburgicarum omnium urbe clarissimâ ac celeberrimâ. Anno clb Jbc XIII. die ultimo. Febr. inter primam & secundam horam matutinam, Patre eximio, prudentissimòq; viro, Dn. GEORGIO HAGMEISTERO, Reip. hujus senatore bene-

merenti.



merentissimo; Matre ornatissimâ & præstantissimâ MARGARITÄ  
Weselin/ quam ut, dum viveret, amore & veneratione singulari  
meritissimè omnes coluimus, ita nunc fatò functam, & si ævi ma-  
turam & plenam dierum, non aliter tamen, quàm ut funere acer-  
bo elatam, vehementissimè, pariter omnes, desideramus. Avus  
paternus fuit, Spectatissimus, integerrimusque VIR, GEORGIUS  
HAGMEISTERUS, Celsissimi b. m. Principis, Dn. JOANNIS AL-  
BERTI, Ducis Mecklenburgici Camerae Secretarius, & Güstrovi-  
ensium Oeconomus fidelissimus. Avia paterna REGINA Krügers/  
lectissima & ab omni virtute instructissima Fœmina. Avum ma-  
ternum habuit Amplissimum, prudentissimumque virum, Dn.  
CHRISTIANUM Weselin/ Senatorem apud nos, ac Camerarium  
Spectatissimum. Aviam maternam MARGARITAM Burschops/  
clarissimam, optimamque; Fœminam. De his tantis, ex quibus nata  
est, parentibus, non tam gloriari MARGARITA, quàm studere  
voluit, ut non degener ipsa, aut indigna iisdem deprehenderetur.  
Lustrata enim sacrò fonte, atque hac ratione Conservatoris Christi  
ejusque Ecclesie membrum facta, tam compositis & emendatis  
dein moribus sese advevit, ut, sicut, in herbescente illa segete  
lata vernansque; viriditas futurae messis indicium est, sic non obscu-  
ro argumento jam tum ostenderet, futuram, qualem complexi,  
quin & admirati hactenus tanto opere sumus; hoc est, piam, justam,  
fidelem, sedulam, integram, pacis ac veritatis amantem; conti-  
nentem verò sic cum primis, pudorisque; studiosam, ut nò in con-  
spectum suum pateretur adduci, per quos de virginitatis integri-  
tate delibasse saltem oculis quicquam videretur Quò factum, ut,  
cum matura jam viro esset, Clarissimus summæque familiae VIR,  
DN. HINRICUS HEINIUS, Amplissimæ Eaculatis juridicæ in Aca-  
demiâ hâc nostrâ olim Secretarius, de constituendâ familia cogi-  
tans, hanc ipsâ præcipuè, quâvis non nisi viginti annorû juvencu-  
lam, A. D. 1634. die 19. Augusti. sibi conjugem sociamque adjun-  
geret. Qui quidem eâ, animorum concordiam conjuncti invicem,  
eò sanctissimo amore inter se amârunt, uti, quamvis uterque; nite-  
retur

retur ad summum, neuter tamen vinceret ac superaret. Quæ res  
ipsis & plurimum gaudii & innocentissimæ voluptatis subindè  
præbebat. Ussit MARGARITAM unicè, quòd ultrà sedecim annos,  
tanta felicitas non porrigetur, sed intra illud spacium, conjugem  
istum suum exequi & lugere necesse haberet. Non aliter enim  
accepit eum casum, quàm si præcipuò vitæ solatiò, dimidiò ani-  
mæ, & alterâ sui parte privata foret. Et sanè, sicut frugi est uxor, in  
cujus sinum læta, in cuius sinum tristitia liceat deponere; sicuti est,  
cui turò fidere domum, pecuniam, sobolem liceat; ita quoq; ma-  
ritus est bonus, quò præter Deum, neminem ipsa sibi habeat  
commendatiorem. Cæterùm accesserat maritali nexui liberorū  
etiam vinculum, quò nihil validius est, utq; sic dicam, aheneum  
magis ad colligandos continendosq; animos conjugum.  
Quinquies enim mater facta, bis in masculinâ, ter in foeminâ  
prole. Prodiere ALBERTUS & GEORGIUS filii. Natæ sunt CA-  
TARINA MARGARITA, ANNA-ELISABETHA, & REGINA-  
SOPHIA filia. Equibus ALBERTUS admodum puer, CATARI-  
NA-MARGARITA autem, brevi post parentem, plurium confor-  
tio adlecti. Superstirant per Dei gratiam GEORGIUS strenuâ ad  
virtutem gloriamq; literarum grassans viâ: ANNA ELISABE-  
THA elegantissima ac luculentissima Virgo, Clarissimo Dn. M.  
LUDOVICO BARCLAJO desponsata, ut & REGINA SOPHIA  
ipsa quoq; Virgineū decus atq; ornamentū. Cæterū post functum  
A. D. 1651. d. 3. Julii Maritum, perpetuâ viduitate agere NOSTRA,  
nec ullis novis Nuptiis implicari decrevit, non quod secunda  
vota damnaret, (in quâ non nemo in veteri Ecclesiâ justò fuit ini-  
quior) sed ut eò clarius ostenderet, quanto amore & fide Domi-  
num suum complexa olim fuisset; nefas esse arbitrata, illum sive  
animum sive amorem suum, cum ullo aliopartiri. Jam itaq; hoc  
statu posita, & solitaria vivendirationi, per semet ipsam conse-  
crata, sanctè, incorruptè, sineq; notâ ac fabulâ degit, nihilq; com-  
misit unquam, quod probro sibi ac dehonestamento foret. Nam  
quæ virtutes cadere in istum sexum solent, eas omnes à primâ  
jam

jam ætate (ut supra dicebamus) induit animo, perpetuoq; in vitã  
expressit, ut pariter & præterisse plures alias, & simul seipsam  
quodammodo superasse existimaretur. In primis autem, ut virtu-  
tum princeps pietas, sibi adesset, quantum poterat, ad laborabat.  
Illa enim reliquas omnes, ceu comites assecclasque secum semper  
ducit, & hunc pulcherrimum chorum quasi gubernat ac regit.  
Proin sic studiosa Dei cultrix fuit, ut non modò publicis sacris &  
concionibus (nullũ enim ipsi acroama jucundius erat) summã de-  
votione semper, nisi valetudine attineretur, interesset; sed quoq;  
in suæ genitricis charissimæ domo, in quã post mariti obitum, ab  
ipsa fuerit recepta, vel inter pensa colusq;, & cæteras muliebres  
operas, tum psalmos assiduè caneret, tum de rebus ad Christia-  
nismum pertinentibus loqueretur; nec quicquã unquã auspica-  
retur, quod imponebat muneris ratio, priusquã Deo reddidisset  
suũ, & post solennes preces, præscriptũ lectionis Biblicæ pensum  
absoluisset. Neq; enim aut privatim aut publicè quicquã rectè fe-  
liciterq; suscipi, atq; administrari existimabat, nisi ritè curatũ antè  
Supremũ Numen, conciliatumq; esset; cuius solius benevolentia  
ac favor, quãvis re alia valentior foret, & solus secundio rem cœ-  
ptis eventum largiretur. Itaq; omnium calamitatum ac mise-  
riarum, quas tot nunc annos patimur causas, non aliò teme-  
rè referre solebat, quàm quod prolapsis adeò pietatis rebus, in o-  
mnis generis flagitia sceleraq; certatim penè rueremus. Sed ve-  
niendum tandem est ad supremum tempus, dicendumque de  
excessu Fœminæ optimæ; qui utinam tardior contigisset. At neq;  
mutari vitæ ordo potest, nec dissimulandum, quomodò mortuã  
sit, postquam exposuimus, & quomodo nata, & quã ratione ha-  
ctenus vixerit. Neque enim instruere tantum animos acta sanctè  
vita, sed & obita piè constanterq; mors, exemplo esse aliis potest.  
Jam diu est, quod nunquam non fermè, cum languore ac infirmi-  
tate aliquà conflictaretur. Nacta enim corpus erat & tenue, & ita  
præterea comparatum, ut variis morborum generibus identi-  
dem impeteretur. Dare itaq; operam frequentius valetudini, &  
Medi-

Medicorum consilia adhibere siveverat. Quod tamen ita faciebat, ut non planè clinia esset, aut lectò teneretur, sed ut solita quoq; per intervalla, munia administraret. Trimestre quasi lapsum, ex quo ingravescere valetudinem NOSTRA piissimè denata, mirificequè de die in diem dejici, prosterniq; vires videret. Equidè maturè satis itum est obviam, & præstantissimæ medicinæ, præcipuè verò-Experientissimi, Excellentissimiq; Viri, DN. JOANNIS BACKMEISTERI, Med. D. & Prof, Collegæ nostri honoratissimi opes adhibitæ; neq; quicquam in universum intermissum eorum, quæjacentem fovere ac levare poterant. Sed adeò jam, invaluerat malum, uti omnium remediorum, quæ adhibebantur plurima & exquisitissima, virtutes frustra essent, & vitæ res in pejus semper ac semper laberentur. Cum ergò animadverteret, propediem sibi colligendas sarcinas, & de hac vita discedendum esse, omnes rerum humanarum curas procul exegit animò, & sola divina atque cœlestia meditari, ac secum agere cœpit. Præcipuè verò dedit operam, uti seriâ pœnitentiâ exsolveret erroribus animam, & ad discessum suum ex corpore maturè pararet. Neq; enim bis aut ter, sed semel tantum morimur; igitur si quid erroris ibi commissum fuerit, id emendari deinceps non potest: qualisque fors morientes exceperit, ea nostra futura perpetuò est. Ministrum itaq; Verbi divini, Virum pl. Rev. & Excellentissimum DN. JOANNEM QUISTORPIUM, S. Theol. D. & Profess. Adisque Jacobæ Pastorem, Collegam & Amicum nostrum honorandum, advocandum antè omnia curavit; à quò, sacro sancto viatico instrueretur. In quò cum esset, Deus bone! quâ contritione, quâ humilitate animi, quibusq; lacrymis confessa peccata sua est? Quâ devotione, divina & verenda mysteria participavit? Post hæc, meditando, orando, ac suspirando, quicquid vitæ supererat, insumere, & omnem mentis cogitationem, in ultimam horam, defixam habere non desuit. Quam maximo animi cum prolubiò (quæ ex toties iteratis valetudinis incurribus & cæteroqui, etiam rerum humanarum tædium ingens cepisset dudum, & nihil ma-

gis

gis in votis haberet, quam ut Virum, quò is jam aliquot ante annos præcessisset sequeretur) expectare, non verbis tantum, sed ipso etiam facto demonstravit. Neque enim de fato suo unquam quæstæ est; id sibi maximè placere dictitans, quod de se visum esset DEO, quem sequi sine murmure sibi proposuisset. Ad istum itaque modum egregiè comparato ac instituto animo, medias inter preces, quas voce non saltem (hanc enim ad ipsa extrema integram cum omnibus sensibus servarat) verum etiam mente ac spiritu, sublatis in cælum manibus pariter ac oculis prosequeretur, plena fidei ac spei Christianæ, lenissimè, sineq; ullo violentiori corporis motu, XV. hujus mensis die, circa sextam matutinam exspiravit, postquam XLIIX. annos vivendo fecisset. Et jam illa hodie tumulo suo, ad spem futuræ resurrectionis ac restitutionis in integrum, inferetur. Cùm itaq; pietate in Deum, quem summa semper veneratione coluit, in quò unò spes universas ac opes positas habuit, benignitate in pauperes, in omnes comitate ac benevolentia, (ut cæteras ejus ingentes virtutes hoc quidem loco non repetamus) ita præstiterit ac excelluerit, ut speculum quoddam ac regula aliqua videri possit, ad quam se penitus componere debeant, quæ in hoc sexu ad summam laudem aspirare conantur; Vestrum omnino erit, CIVES ACADEMICI, (quos primà sic vice ex hoc loco appellamus) Ornatisimæ huic fœminæ exequias, quantâ unquam possitis frequentia, celebrare; nè aut immemores officii vestri, aut tot tantarumq; virtutum, quæ fuerunt in vivâ, parùm æqui censores fuisse videamini. Ut itaque actui isti promptè decenterque interesse haut gravemini, etiam atque etiam Vos hortamur & studiosissimè rogamus.

P. P. Sub sigillo Rectoratus, XXI. Maij, Anno recuperatæ gratiæ clæ lrc LXI.  
Conventus instituetur in Aede D. JACOBO  
sacrâ, circa horam primam.

16(0)90











Medicorum consilia adhibere  
ut non planè clinia esset, aut  
per intervalla, munia admini  
quo ingravescere valetudine  
rificequè de die in diem de jici  
maturè satis itum est obviam  
cipuè verò Experientissimi, E  
NIS BACKMEISTERI, Med.  
tissimi opes adhibita; neq; qu  
eorum, quæ jacentem fovere  
invaluerat malum, uti omniu  
plurima & exquisitissima, virt  
jus semper ac semper laberent  
pediem sibi colligendas sarcin  
se, omnes rerum humanarum  
divina atque cœlestia meditari  
verò dedit operam, uti seriâ po  
mam, & ad discessum suum ex  
bis aut ter, sed semel tantum r  
commissum fuerit, id emenda  
fors morientes exceperit, ea n  
strum itaq; Verbi divini, Virun  
JOANNEM QUISTORPIUM  
Jacobæ Pastorem, Collega  
dum, advocandum antè omni  
co instrueretur. In quò cum ef  
quâ humilitate animi, quibusq;  
Quâ devotione, divina & ver  
hæc, meditando, orando, ac sul  
insumere, & omnem mentis co  
defixam habere non desit. Q  
(quæ ex toties iteratis valetudi  
rerum humanarum tædium in

Quod tamen ita faciebat,  
tur, sed ut solita quoq;  
mestre quasi lapsum, ex  
A piissimè denata, mi  
; vires videret. Equidè  
tissimæ medicinæ, præ  
miq; Viri, DN. JOAN  
Collegæ nostri honora  
universum intermissum  
oterant. Sed adeò jam  
um, quæ adhibebantur  
essent, & vitæ res in pe  
ò animadverteret, pro  
c vita discedendum es  
ul exegit animò, & sola  
gere cœpit. Præcipuè  
solveret erroribus ani  
urè pararet. Neq; enim  
gitur si quid erroris ibi  
non potest: qualisque  
perpetuò est. Mini  
Excellentissimum DN.  
D. & Profefs. Ædisquè  
m nostrum honoran  
quò, sacro sancto viati  
one! quâ contritione,  
onfessa peccata sua est?  
ria participavit? Post  
nicquid vitæ supererat,  
t, in ultimam horam  
o animi cum prolubiò  
tus & cæteroqui, etiam  
t dudum, & nihil mag  
gis

